

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj 7/10) i Programa utroška sredstava planiranih Budžetom Zeničko-dobojskog kantona za 2015. godinu, Ministarstva za rad, socijalnu politiku i izbjeglice broj: 02-14-11048/15 od 13.05.2015. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 27. sjednici održanoj dana 14.09.2015. godine, d o n o s i

ZAKLJUČAK

I.

Odobravaju se Regionalnoj ekonomskoj zajednici REZ d.o.o. Zenica sredstva u iznosu od 5.866,74 KM (slovima: pet hiljada osam stotina šezdeset šest konvertibilnih maraka i 74/100) za sufinansiranje projekta „Stručno osposobljavanje, priprema za rad i zapošljavanje šivača gornjih dijelova obuće za potrebe kompanije Sinerga d.o.o. Visoko“, u skladu sa Sporazumom o partnerstvu potpisanim između: Vlade Zeničko-dobojskog kantona, Općine Visoko, Federalnog zavoda za zapošljavanje, USAID Sida GOLD Projekat, Sinerga d.o.o. Visoko i REZ d.o.o. Zenica, kao pomoć za stručno osposobljavanje i zapošljavanje 24 šivača koji su se vodili kao nezaposlene osobe na evidenciji Službe za zapošljavanje.

II.

Sredstva iz tačke I. ovog zaključka isplatit će se iz Budžeta Zeničko-dobojskog kantona za 2015. godinu („Službene novine Zeničko-dobojskog kantona” broj: 2/15), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 220, pozicija Budžeta: „Transfer JU Služba za zapošljavanje Zeničko-dobojskog kantona za podsticaj aktivnih mjera zapošljavanja“ na račun JU Služba za zapošljavanje Zeničko-dobojskog kantona broj: 134-010-0000-2905-38 kod IK banke.

III.

Odobrena sredstva će se putem JU Služba za zapošljavanje Zeničko-dobojskog kantona uplatiti Regionalnoj ekonomskoj zajednici REZ d.o.o. Zenica na račun broj: 1610550004760016 otvoren kod Raiffeisen Bank d.d. BiH, filijala Zenica odmah po primitku navedenih sredstava.

IV.

Za realizaciju ovog zaključka zadužuju se Ministarstvo za rad, socijalnu politiku i izbjeglice, Ministarstvo finansija i JU Služba za zapošljavanje Zeničko-dobojskog kantona, svako u okviru svojih nadležnosti.

V.

Obavezuje se Regionalna ekonomska zajednica REZ d.o.o. Zenica da po završenom projektu Ministarstvu za rad, socijalnu politiku i izbjeglice dostavi narativni i finansijski izvještaj o namjenskom utrošku doznačenih sredstava, kao i dokaze o zapošljavanju osoba.

Zadužuje se JU Služba za zapošljavanje Zeničko-dobojskog kantona da obavijesti Ministarstvo za rad, socijalnu politiku i izbjeglice o izvršenom prenosu sredstava iz tačke I. ovog zaključka.

VI.

Zaključak stupa na snagu danom donošenja.

Broj: 02-_____/15.

Datum, 14.09.2015. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x JU Služba za zapošljavanje Zeničko-dobojskog kantona (putem ministarstva),

1x Regionalna ekonomska zajednica REZ d.o.o. Zenica, (putem ministarstva),

1x a/a.